

Masalah banjir selesai

Penduduk tarik nafas lega, tindakan JPS dihargai

KLANG - Ratusan penduduk di lima taman perumahan kini dapat menarik nafas lega apabila banjir yang kerap berlaku sebelum ini kini dapat diatasi.

Lima taman berkenaan adalah Taman Palm Grove, Taman Selatan, Taman Petaling Indah, Taman Radzi dan juga Taman di sekitar Hospital Tengku Ampuan Rahimah (HTAR).

Malah, usaha mengawal kejadian berada pada tahap yang baik, ditambah dengan kerja-kerja penyelenggaraan sedang dilakukan Jabatan Pengaliran dan Saliran (JPS) Daerah Klang.

Wakil JPS Daerah Klang yang juga Penolong Jurute-

ra, Jamaluddin Shariff berkata, pihaknya bertanggungjawab melaksanakan proses penyelenggaraan dan pembersihan seluruh sungai di daerah ini.

"Tumpuan kita sekarang adalah Sungai Telok Gadong Besar dan Sungai Telok Gadong Kecil.

"Kedua-dua sungai ini merupakan aliran utama yang membawa air daripada Taman Bayu Perdana hingga ke kunci air di Sungai Sireh," katanya.

Menurutnya, kerja-kerja penyelenggaraan fasa pertama sedang dijalankan, fasa seterusnya mengambil masa kerana memerlukan peruntukan besar daripada Kerajaan Persekutuan.

"Peruntukan ini diperlukan untuk membina kolam takungan berdekatan kunci air bagi menaikkan rumah pam kunci air yang mana ia bakal dibina di tapak kubur lama," katanya.

"Oleh itu, saya harap penduduk bersabar dan kita akan pastikan kejadian berkenaan tidak lagi berulang. Selain itu, kita minta pihak Bangunan Harbour Place membina pam air di bawah bangunan tersebut kerana pergerakan air di bawah bangunan itu amat perlahan sehingga mengganggu sistem saliran," katanya.

Pengerusi Persatuan Penduduk Palm Grove Lama, R Selvaraju berkata,



■ Pengerusi Persatuan Penduduk taman-taman terbabit dan Zainal (dua, kiri) hadir ke kawasan aliran air Sungai Telok Gadong Kecil melihat hasil kerja penyelenggaraan dijalankan pihak berkuasa.

sejak proses penyelenggaraan fasa pertama dijalankan, pihaknya tidak lagi mendengar rungutan daripada penduduk.

"Penduduk turut maklumkan tiada lagi air melimpah di beberapa Ta-

man Bayu Perdana dan Taman Chi Liung walaupun tiap kali hujan lebat.

"Situasi ini amat membezakan dan saya berpuas hati dengan tindakan yang dijalankan pihak berkuasa.

"Berikutan itu, saya minta kerja-kerja penyelenggaraan dapat diteruskan bagi mengelak kejadian sama berulang," katanya yang juga Pengerusi Jawatankuasa Bertindak Banjir Zon N48C.